

*Belmonte Mezzagno 30/04/08*

# ***A fissazione è peggio da malattia!***

Commedia Esilarante in due atti di:

**GIOVANNI ALLOTTA**

## **Prefazione**

A volte, fissarci su una determinata cosa, ci porta a credere e agire in modo tale, da compromettere la nostra psiche, e del resto, la nostra vita. Tanino, il protagonista di questa storia, a causa di un errore, sa che pagherà il debito con la vita, e diviene succube della propria fissazione! Ma, Tanino non sa che la sua è fissazione, ma quando lo scopre, accade che...

## **Personaggi ed interpreti**

<b>TANINO</b>	<b>Capo famiglia</b>
<b>TANINA</b>	<b>Moglie</b>
<b>ANDREA</b>	<b>Figlio</b>
<b>CICCIU</b>	<b>Fratello di Tanina</b>
<b>CUMMARI PIPPA</b>	<b>Cummari di famiglia</b>
<b>BECCHINO</b>	
<b>PADRE GIGI</b>	
<b>VENDITORE AMBULANTE</b>	

(In scena entra Nino, il capo famiglia, con in spalla un sacco a pelo. È ricurvo per la pesantezza del sacco, tanto da non vedere la strada che fa. La moglie lo guida, dandogli indicazioni)

**TANINO**

(E' stanco) Beddamatri, chi sugnu stancu! Nun cià fazzu cchiù!

**TANINA**

Stamu arrivannu! Vai sempre dritto! (Avanti a Tanino c'è un tavolo)  
Fermo! Ora gira a destra!

**TANINO**

(Nervoso) Buttana da miseria! Sugnu stancu, e tu mi parri di destra? Unni è a destra!

**TANINA**

Vicinu a sinistra!

**TANINO**

E insisti! Unni è a sinistra?

**TANINA**

Vicinu a destra?

**TANINO**

(Adirato) Ti giuru, pi quantu stimu a pasta o furnu, appena posu stu sacco, ti jettu du balconi!

**TANINA**

Ma quali balconi! Si stamu a piano terra!

**TANINO**

E va beh, ti fazzu acchianari supra a seggia, e ti fazzu vulari di là, in giù!  
(Ironico) E ti fazzi rumpiri u chicchiriddu! /**Ciocca di capelli**/

**TANINA**

(Ironica) E poi, alla faccia tua, mi vaju a fari i capiddi con i colpi di sole!

**TANINO**

(Ironico) Ah si? Se io, ti rompo a membrana radicale du ciriveddu con i colpi di bastone, poi dunni vai, o macello?

**TANINA**

Picchi o macello?

**TANINO**

Pi vidiri, si ci avanza ...ciriveddu di porcu!

**TANINA**

U sai comu dici u proverbiu: “ U pisciaru, ‘nzoccu havi abbannia” E tu, mi pari u stissu!

**TANINO**

(Contiene la rabbia. Si toglie dalle spalle il sacco, e con prepotenza, si rivolge a Tanina che lo guarda) Chi è? ‘Un mi hai canusciutu ancora!

**TANINA**

Pi sfortuna, havi vint'anni chi ti canusciu!

**TANINO**

(Indicandole la porta) Quannu nun ti convieni, da c'è a porta, pigghi e ti nni vai! (Pensante) Basta ca mi dai u mantenimento, accompagnamento, e a liquidazione del tuo licenziamento! E poi, ma pagari a cassa malattia di vint'anni di abiliu cu tia! Stannu cu tia, u ficatu è infradiciuto!

**TANINA**

(Sbalordita) C'è cchiù nenti!

**TANINO**

Pensu ca ‘un mi scordu nenti. Appena mi ricordu cocchi cosa, tu dicu!

**TANINA**

Ma viditi che bella chista! Si io, mi nni issi di sta casa, vulissi essiri pagatu di mia? (Tanino annuisce) Ma tu, sbattisti a testa! Si propriu avissi ad essiri accussì, tu mi devi pagari, vint'anni di pulizii! E 'na vota che mi hai acchianato di supra, mi hai terremotata tutta, per seminarli, a mia insaputa!

**TANINO**

Ma chi vo diri, a mia insaputa? Io mi ricordu, ca primi di seminare, u tirrenu u zappavu, bonu, ma propriu bonu! Quannu era beddu zappatu, ci jettavu a semenza e cummigghiavu tutti cosi!

**TANINA**

A mia insaputa, picchi tu mi hai inseminata a tradimento, va! Navota ca ti ci havii misu a zappari, ti nni approfittasti ca io stava durmennu, tantu ca to figghiu Andrea sogna mentre è sveglio...(Ci pensa) è sveglio, mentri dormi...(Ci ripensa) veglia mentre si sveglia. (Confusa) Chi vi scoppiassiru i corna a tutti dui, mi cunfunnivu tutta! Comunque, è pa pressa, propriu comu tia!

**TANINO**

Cara mogliera, a sapiri, ca zappannu zappannu, si stanca e cocchi corpo, scappa! E poi, nun pensu ca a curpa è a mia, si to figghiu vinni cosi, dicemu un poco troppo, culormale!

**TANINA**

Culormale? Ma comu schifia parri!

**TANINO**

In dialetto! In italiano si dice, ano-rmale! In dialetto si dice, culo-rmale!

**TANINA**

Scusami Tanino il mio poco allitramento! Quando sono nata, ancora dovevano inventare l'alfabetico, e non ho sturiato! Comunque, turnannu al fattu di to figghiu, io penso ca vinni cosi, picchi a semenza... era scaduta?

**TANINO**

Uella! Vidi ca la mia semenza è infallibile! Tantu è bedda frisca e ben curata, a putissi vinniri a pisu d'oro! E campassimo di rendita!

**TANINA**

Accuminciamu! E menu mali ca ancora nun hai manciatu ne bivutu, e dici strunzati! Appena manci, ci voli l'antiproiettile! Comunque, mi nni vaju da dintra!

**TANINO**

Oh! A propositu di manciari, chi fa, oggi nun si mancia! Vidi ca dintra du sacco, c'è un poco di verdura. Pighhiala e cocila!

**TANINA**

(Guarda dentro il sacco) Mih! Menu mali ca è anticchia! Cca, u reggimentu surdatu ci po' manciari! Ma unni l'accattasti?

**TANINO**

Ma chi fai, scherzi? Mi dici a mia, unni l'accattasti? A cughivu, nne muntagni!

**TANINA**

(Lo guarda con sospetto) Se se, a cughhisti nne muntagni! Bonu ti canusciu! A cu è, ca isti a cunsumari!

**TANINO**

(Offeso) Ma perché pensi sempre che sono malvagico! Porca miseria, si ci fussiru cristiani, putissiru pinsari ca sugnu un tipo, incattivutu!

**TANINA**

(Ironica) Mischinu! Sei un santuzzu, impiccicato al muro! (Adirata) 'Un lu sai ca non si rubano, le cose delle altre persone? L'ottavo comandamento dice: Non rubare! (Addita al cielo) Se lo facciamo, il Signore ci vede e ci punisce!

**TANINO**

Stai tranquilla, ca du signore nun c'era e nun mi vitti nuddu!

**TANINA**

Ma chi capisti! Per Signore, intendo il padre celeste ch'è nei cieli! Da lassù, lui vede tutto quello che noi facciamo, quaggiù!

**TANINO**

Unni mi trovava io, ero dintra una valle...(Allarga le braccia per evidenziare la grandezza) vallosa, di chiddi ca trasi e nun sai si nesci, è china di alberi, infrastamuti di pampine, ca un cristianu da dintra u ponnu tagghiaru pezza pezza ca nuddu u vidi. Mancu u Signuri du cielo, mi vitti! Ni sugnu sicuru! Menu mali ca canusciva a strata pi nesciri picchè ci l'haju dittu sempri a to frati Ciccio, di farici 'na strada...(Si tappa la bocca e si divincola dagli sguardi d'ira della moglie)

**TANINA**

Allura, tutta sta verdura a isti a rubari nne me frati Ciccio Papillon?

**TANINO**

(Tra se) Cocchi jornu, sta lingua ma tagghiu, picchè mi pari a mia, ca haju a lingua longa! (Impacciato parla con la moglie) Ma si, ne avrò preso 'na para di chiletti!

**TANINA**

'Na para di chiletti? (Torna a guardare dentro il sacco) Ca ci putemu manciari e stramanciarci! (Disperata gira per la stanza) Comu ti pirsuadisti a rubarici tutta a verdura a me frati! Iddu sa vinni e mercatini!

**TANINO**

Mi vinni facili facili iri nne to frati Papillon, picchè u canusciu bonu! (Tanina piange e Tanino si stizzisce) Chi ci chianci! 'un lu sai chi dici u proverbiu: Amici e parenti, nun ci vinniri e nun ci accattari nenti! Io, né vinnivu né accattavu, ma rubavu! Quindi, mica è peccatu! (Tanina continua a piangere. Tanino s'imbestialisce, la prende per il braccio, con l'altro braccio prende il sacco) A finisci di allagarimi u ciriveddu con questo fiume di lacrime! Ormai, chiddu ch'è fattu, è fattu!

**TANINA**

(Piangendo) Un cià po' iri a chiantari arrieri? Si vò, t'ajutu ju!

**TANINO**

Ma chi dici!? Si a un cristianu ci tagghianu i peri, poi ci ponnu chiantari cchiù? No! Picchi, ci siccanu! U stissu è pa verdura! (Tanina continua a lamentarsi) Senti, ma fari un favori un chianciri cchiù! U sai chi staju pinsannu; Ora, mi fai a verdura e nna manciamu, appena nni veni di cacari, pigghiu a machina nni trasferemu in campagna di to frati, e cacamu tirrenu tirrenu, tutta a semenza, accusi spunta arrieri a verdura! È genuina puru! Si contenta? (Tanina, si ferma un attimo, poi riprende a piangere) Ancora mi l'haju a manciari sta verdura e già, mi sta facennu vilenu! (Entrambi, escono lamentandosi)

**TANINA F. S.**

Andrea! Vai da dintra e metti apparecchiari a tavola, u senti?

**ANDREA F. S.**

(un tipo esaltato) Te cuntari un sognu tantu bellu, ca mi pariva ca stava sognannu veru!

**TANINA F. S.**

Mettiti ad apparecchiari ca poi mu cunti!

**ANDREA F. S.**

(Piagnucola) No no, ti l'haju a cuntari ora! Vasinnò poi u sonnu, si sveglia e u sognu si arruspiglia!

**TANINA F. S.**

Se se, u capivu! Pigghia di sutta e metti di 'n capo! Ma a curpa nun è a tua, ma di stu pulacciumi di to patri! (Ironica) Zappannu zappanu, si perdi cocchi corpu! 'un mu putivi diri, ca almenu, tu pirdivi i corpa e jo, mi mittivi a ricogghiri!

**TANINO F. S.**

(Adirato) Zittuti! E mettici pani ‘m bucca! Comu si vidi ca nun si masculu, e nun poi capiri a sofferenza chi si prova a zappari! Tantu tu, u jardinu ci l’hai beddu prontu, e ti stai bedda frisca. Jo invece, haju u motozappa cinquanta cavalli, turbo diesel a filo continuo, e quannu accuminciu a zappari sciupo energie! Ed è facili perdiri cocchi corpu!

**TANINA**

(Entrando in scena col figlio Andrea) Si accuminci di ora a perdiri corpa, fra ‘na para d’anni ti vogghiu! Ci vonnu i gocci chiddi ca i vinninu sulu a via gra!(Ad Andrea) Aiutami ad apparecchiari!

**ANDREA**

Amunì mà! Prima ti devo contare il sogno!

**TANINA**

M’ha cuntari u sognu? (Facendo il conto delle dita) E comu, chi manu?

**ANDREA**

No, chi peri! (S’innervosisce, prende due sedie e fa sedere la madre e si siede anche lui) Ora, zitta e... attenta!

**TANINA**

(Spaventata si guarda in giro) Beddamatri! Di cu e stari attenta?

**ANDREA**

(Arrabbiato) Mamà, si cchiù cretina du papà quannu fai a stupida e mi pigghi pi fissa! Attenta, significa(Evidenzie le orecchie per farglielo capire) Ca ti deve aprire le aricchie e attenti!

**TANINA**

Aspetta, ma tu mi dicisti, stupida?(Andrea annuisce. Lo rincorre per la stanza) Veni cca, si t’acchiappo ti scippu l’osso sacro du ciriveddu! (Lo acchiappa e Andrea ha paura) Ora ti accusu a to patri! (Urla) Taninu, ma u sentisti a to figghiu chi mi dissì? Nenti ci dici?

**TANINO F. S.**

Andrea! ‘un ti scantari, ca anzi i complimenti ci facisti dicennuci Stupida!

**TANINA**

Chissu ci dici a to figghiu? Invece di darici un pugno nna facci e farici satari a “mandibolla” (Ad Andrea) Ma cu mu fa fari di fari abiliu cu tia e to patri! Cocchi vota, mi nni scappu di notti!

**ANDREA**

Si però, prima ti cuntù u sognu e poi te ne scappi! Amunì, assettati!

**TANINA**

(Nervosa) Mi staju assittannu pi lassariti contentu, ma tantu nun ti sentu picchi nun tu meriti!

**ANDREA**

Si tu, nun mi vò sentiri nun mi sentiri. Tantu ci sunnu i to aricchi ca mi sentinu!

**TANINA**

Dicci ca si azzardanu a sintiriti, ca i scippu! (Andrea la guarda con stupore e la mette alla prova)

**ANDREA**

Mamma! (Tanina si gira di spalle e finge di non sentire. Andrea le urla all’orecchio) Mamma! e ‘nta surdia! Ma chi fai nun mi senti?

**TANINA**

Ti dissì ca nun ti sentu! E inutili ca jetti vuci! Nun ti sentu!

**ANDREA**

(Piagnucola) Ma io ti devo contare il sogno!

**TANINA**

U po’ cuntari, tantu nun ti sentu!

**ANDREA**

(Si siede ben ordinato e racconta il sogno) Allora, stanotte mi chiudivu l'occhi e mi sono sognato che ero sveglio, mentre dormivo.

**TANINA**

(Confusa) Accuminciamu! Un facemu ca ora pi capiriti, ma fari attisiri i capiddi?! Parra a stampatello e tantu basta! (Si fa il segno della croce) Amen!

**ANDREA**

Mentre stavo caminando ho guardato a terra, e vitti ca era tutta sabbia, allura pinsai: "Sugnu a mari!" Mi giro di lato, taliu di sutta e supra e vju ca ero in un mare di desertico!

**TANINA**

Scusa, comu si sicuru ca eri nno deserto. Po' essiri ca u mari, era darrerri cocchi petra, e tu nun lu vidivi!

**ANDREA**

Si u mari era nascosto, non lo so, picchè nun ci jvu a taliari...(Si ferma a pensare) Però, fuvu un minchiuni, ci putiva iri e mi faciva un bagno. Comunque, u sulì era troppu forti, i raggi racina, mi colpivano in testa,...

**TANINA**

Si dice, raggi uva!

**ANDREA**

Hai ragione! I raggi uva, mi colpivano in testa, che ogni bombolone era grossu comu uova, quannu i sbatti o muru!

**TANINA**

(Ironica) Mu immaginu, bedda frittata!

**ANDREA**

A sabbia era tantu cavura, ca nun putiva stari fermu! Havia a satari (Fa il movimento) prima cu un peri, e poi cu l'avutru! Accussi, quannu satavu cu unu, l'avutru si rifriddava!

**TANINA**

Gioia mia, chi raggi uva e l'ova sbattuti o muru, e a sabbia cavura di sutta i peri, secunnu mia stavi facendo quattro salti in padella!

**ANDREA**

Camminando camminando, nun cià faciva cchiù, dalla stanchezza. L'arsura mi stava arsurannu tuttu, e mi firmavu! Tutto ad un tratto, vedo una musica venire dall'alto chi vulava sopra il desertico, come una onda marina...

**TANINA**

Ma chi schifiu dici! A musica si sente, nun si vede!

**ANDREA**

Mamma, vidi ca quannu si sta nno desertico, nna vista cumpari un miraggico e si vidinu magari i mucchi pazzi chi volano! Quindi, si ti dicu ca vitti a musica, a vitti! Allora, tutto assieme dietro questa musica, ho viduto che è accomparuto, un immoruto /**persona con la gobba**/ (Si ferma e guarda la madre) Scusa mamma, se uso troppi avverbi indicativi del futuro trapassato! Ma è la coltura, purtroppo! Comunque, vedendo questo immoruto, ho visto...ca vinniva gelati, cu carrettino!

**TANINA**

(Meravigliata) Passò chiddu du gelato, nno deserto?

**ANDREA**

Veru! U chiamavu e ci dissi: "Buongiorno, signor immoruto! Mi dassi un beddu cono con gelato, alla banana!" Mamma, appena nesci du cono a gelato ca banana, mi pariva di sognare! Mi sentivo la liquorina in bocca. Nun vidiva l'ura di liccarimillu! Non so se lo sai mamma, liccari nne sogni è megghiu di una *insurfarata* reale che fanno nel letto un uomo e una donna!

**TANINA**

Basta, u capivu! Nun c'è bisogno di mettere i puntini sulla ...insurfarata! E poi tu, sei ancora minorato pi parrari di zappari u tirrenu! Nun ti fari

dari consigli di to patri, vasinnò perdi corpa puru tu! Ora, chiudiamo argomentico di zappari e continuamu chiddu di liccari! Com'era u gelato, bonu?

**ANDREA**

Non lo so! Picchi, nun mu manciavu cchiù!

**TANINA**

Comu? Scummissa ca appena u nisciu du congelatore, è siccato?

**ANDREA**

Mi è siccato il cuore appena mi dissi, dandomi il cono: “Venti euri”

**TANINA**

Venti euri, pi un cono? Ma chi è pazzo! Picchi nun mi chiamavi, cu venti euri ci purtava tutta a gelateria, a stu gelataru truffaldinu!

**ANDREA**

Comu ti chiamava, ca tu a notti dormi chi tappi du sciampignon n'aricchi! Mica mi putivi sentiri!

**TANINA**

Veru è, sangu mio! Purtroppo, to patri di jornu nun fa nenti e a notti, si metti a fari u falegname! Metti a serrare ligna (Fa il verso di russare) ca io, nun pozzu dormiri! Però, ci putivi diri o gelataru di aspittariti, mi vinivi a chiamari e io, viniva!

**ANDREA**

A prossima vota ti chiamu! Comunque, u sai chi ci dissi: “ Senta, signor gelataru, è vero che siamo nno mare di desertico, ma venti euri, mi parino troppo!” U sai chi mi rispunniu: “ Hai ragione Andrea!...”

**TANINA**

Sapiva puru u to nomi? Comu po' essiri!

**ANDREA**

A sapiri, ca nne sogni semu tutti amici e parenti! Nun esiste, ne lei, ne tu, ne chiddu, ne chistu, ne comu ne quannu...semu tutti 'na cosa!

**TANINA**

Allura, nne sogni si miscanu, porci e cristiani!

**ANDREA**

Brava! Cocchi vota, ti fazzu fari un giro, nne sogni!

**TANINA**

(Felice) Veru? Mi porti dunni ci sunnu l'avutri cristiani?

**ANDREA**

No, dunni ci sunnu i porci! (Tanina si arrabbia dandogli sberle. Andrea si ripara) Vidi ca schirzava!

**TANINA**

A mia sti porcati mi dici? A mia, mi fai fari un giro cu l'avutri porci? Vidi ca io onorata sugnu! Di quantu havi ca sugnu maritata, l'unicu veru porcu chi canusciu è to patri, e basta!

**ANDREA**

U capivu, chiedimi scusa! Comu ti stavu dicennu, u gelataru mi dissi: “ Hai ragione Andrea! Ha sapiri, ca è difficile ca nno desertico passanu cristiani e io, haju puru dirittu a campari! Quannu passa corcunu, mi pari giustu guadagnari cocchi cosa!” Ci dissi io: “(Adirato) Chi vo diri, ca a veniri a cunsumari a mia?” (Sensibile) Si misi a chianciri, tantu ca si bagnò tuttu, vinni un corpu di ventu e a sabbia si ci appiccò nna tuttu u corpu, e mischinu divintò un pezzo di fangu!

**TANINA**

(Gemente) U vidi, si ti stavi sveglio, tutti sti abillii nun li facevi!

**ANDREA**

Decisi di fare una operazione buona e ci dissi: “ Dammi stu gelato, me l'accatto io!” Iddu, era contenti, mischinazzu! Io, mi misi a circari u

portapicciuli, nelle sacchette, ma nun c'era. Pinsavu ca mi l'havia scurdatu quannu ero sveglio, nne calzoni. (Entra Tanino con un piatto di verdura) Iddu, si misi arrieri a chianciri e jo, vidennu a iddu ca faciva u fangu, m'incazzavu con mia stesso picchè nun mi purtavu nno sogno u portapicciuli! (Tanino gli va dietro e gli grida all'orecchio "Sveglia", Andrea assieme a Tanina si spaventano e cadono a terra)

### **TANINO**

Havi un ura ca ti sentu parrari, ma 'un ti siddia?! (A Tanina) E tu, invece di apparecchiarmi a tavola, ci dai corda a iddu?!

### **TANINA**

Si avissi corda, mica cià dassi a iddu, ta mittissi a tia, o coddu, pi affucariti!

### **ANDREA**

Papà, ta pozzu diri 'na cosa? Ma u sai ca si cretinu? Mi facisti sconvolgere a membrana sognativa du ciriveddu! (Piange) Ora, si u gelataio si è scantato, con me si è incazzato e u gelato, se le portato!

### **TANINO**

(Ironico) Mischinu, chi è cunsumato! (Adirato) Vidi si ti nna ghiri da dintra! E finiscila cu sti sogni, sognosi! (Andrea esce. Tanino va al tavolo e si siede) Io, mi assetto ca haju pitittu!

### **TANINA**

U porcu s'assittò! Mica pensa ca havi 'na famiglia!

### **TANINO**

Veru è! (Sgarbato) Vidi ca da dintra c'è a verdura, si a vuliti va pigghiati, vasinnò vi iti a curcari!

### **TANINA**

Ma pi mia, ta po' manciari tutta! Puru ca stassi murennu di pitittu, cose rubati nun mi manciu!

### **TANINO**

Megghiu così! Ma manciu io! Ti nni po' iri! Levati di davanti i me occhi, vasinnò a verdura nun mi po' calari!

### **TANINA**

(Spregevole) T'avissi a fari acidità nna punta centrale du viddicu! /Ombelico/

### **TANINO**

(Adirato) Levati di cca, aceddu di malauguriu! (Si rimette a mangiare come un pappone) Talè, me la mangio a facci tua, e non m'inchiomma /blocca/, nno viddicu!

### **TANINA F. S.**

Vidi ca, mi nni staju ennu a chiesa!

### **TANINO**

Sempri a chiesa va! Casa e chiesa, chiesa e casa! Ci manca picca e nna stanza di letto, ci fai puru l'altare!

### **TANINA**

(Entra con una borsetta e un foulard sulle spalle) Comu si vidi ca tu a chiesa, a talii cu cannocchiale!

### **TANINO**

Nun haju bisognu di mittirimi l'occhiali pi vidiri a chiesa! Cu l'occhi a taliu!

### **TANINA**

Intendevo, ca a talii di luntanu!

### **TANINO**

U sai ca soffro di endoscopia nna l'occhi, di luntanu ci vju megghiu!

### **TANINA**

Se se! Tu, cu ssu caratteri stupitu chi hai, di sicuro all'inferno ti nni vai!

**TANINO**

Prima, me finiri di manciari a verdura, e poi vaju unni capita!

**TANINA**

(Alza lo sguardo in cielo) Signuruzzu, alluminacci u ciriveddu!

**TANINO**

No, pi carità! Già un pozzu pagari a luci da casa, ci vulissi puru st'avutra bulletta du ciriveddu, e mi nni pozzu iri a rubari!

**TANINA**

(Ironica) Mischinu, comu si nun l'avissi fattu mai! Havi 'na vita chi vai cunsumannu cristiani a ghiri rubannu! Ora pi concludiri, isti nne me frati! Comunque, mi nni vaju ca sta accumulantiannu a missa.

**TANINO**

Senti a mia, fatti parrina e ti stai a chiesa, eviti di veniri dintra!

**TANINA**

Quantu si cretinu! Vidi ca u parrinu è masculu!

**TANINA**

E a parrina è fimmina!

**TANINA**

Quantu mi nni vaju, tantu parrari cu tia e parrari cu muru è a stissa cosa!

**TANINO**

Bonu, vatinni! Vulissi vidiri si a chiesa, ci vai pi pregari o, pi parrari!

**TANINA**

Vidi ca io, ho fede e timore di nostro Signore! A chiesa ci vaju pi pregari, e pi battiri a manu nno pettu, di me peccati! Tu invece, si chinu di peccati, picchè a manu nno pettu, nun ta batti mai!

**TANINO**

Ma cu tu dissi! Quannu mangio e m'affucu, ma battu a manu nno pettu (Si batte la mano al petto) Vasinnò pozzu moriri!

**TANINA**

Tantu e fari, e tantu e diri, ca te fari pentiri di tutti li to peccati! E a chiesa, ava divintari u to manciari! (Esce)

**TANINO**

(Tra se) A chiesa ava divintari u me manciari? Ma chi voli diri? È veru ca haju u stomacu di ferru, ma 'un penzu ca u cimentu, u pozzu digiriri! Si poi, mi veni u blocco intestinale, ci voli u martelletto pi sbloccari stu traffico! (Si rimette a mangiare la verdura) Che bedda! È' duci duci! Bona è, a facci di cu mi voli mali! (Entra di scatto Andrea piangendo, tanto che Tanino balza in aria e stava per soffocare, si batte la mano al petto, per riprendersi. Adirato) Chi ti scoppiassi i corna, così ma fari scantari!

**ANDREA**

(Piangendo) Papà, sugnu siddiato! Stavo dormendo e mi sono sognato ch'ero sveglio! Quannu unu è sveglio, nun po' sognari! Mi po' aiutari!

**TANINO**

Ca certo ca ti pozzu aiutari! Ti dugniu un pugno 'n testa ca ti fazzu addummisciri, a lampo!

**ANDREA**

(Piangendo) Non posso pigliare sonno!

**TANINO**

Dimmi chi strata fici, ca u va pigghiu ju, u sonnu!

**ANDREA**

Ma chi c'entra! Non mi po' calare u sonno 'n testa! Hai capisciuto?

**TANINO**

(Pietoso) Sangu miu, nun ci po' calari u sonnu, o picciriddu! Ora, ti aiutu ju! (Lo prende per i piedi e lo gira sottosopra. Andrea resta calmo) Calò u sonnu?

**ANDREA**

Ancora no, papà! A nuddu haju vistu!

**TANINO**

(Gli da forti scossoni, tenendolo sempre per i piedi) Oh, comu finì! Calò u sonnu? (Andrea dice di no) Dicci ca si muove, ca mi stannu aggrippannu, l'unghia di peri!

**ANDREA**

U sonnu nun ha calato. Ma, mi sentu l'acqua nne spaddi!

**TANINO**

U vidi? Ti l'haju sempri dittu, di biviri picca acqua! L'acqua va ne spaddi! E poi, ti perdi nno bicchiere d'acqua! (Entra Ciccio, vestito da contadino, con una zappa in spalla e un papillon bello grande al collo. In mano ha un sacchetto con dentro una bottiglietta di plastica)

**CICCIU**

(Al vederli in quella posizione, emette un grido) Lassalu iri, Tanino!!! (Tanino, lascia Andrea, lasciandolo cadere a terra, facendogli male)

**ANDREA**

(Piange come un bambino, per la botta) Ahi! Ahi! Mi sono faciuto la bua, ai capelli! Appena veni a mamma, ti accuso!

**TANINO**

A curpa è mia? Di to zio è a curpa, ca mi dissi di lassariti!

**CICCIU**

Ti vju ca u stavi ammazzannu o picciriddu, nun te diri nenti?

**TANINO**

Ma quali ammazzari e ammazzari! U picciriddu, vinni ne mia, mentri stava manciannu, e vuliva aiutu ca nun ci putiva calari u sonnu. Io, u missi suttasupra, pi farici calare u sonnu. Poi, arrivasti tu, e...

**ANDREA**

(Dolorante, si tocca la testa, alzandosi da terra) Mi facisti sbattiri u sonnu!

**TANINO**

Papillon, certu ca si senza midollo in testa, eh! Ci facisti sbattiri u sonnu o picciriddu, ora i personaggi di sogni, s'ammaccaru tutti!?

**CICCIU**

Tantu pi cuminciari, mi chiamu Ciccio!

**TANINO**

U sacciu ca ti chiami Ciccio, si, me cugnatu! Ma cu stu palcoscenico(Si riferisce al papillon di Ciccio che tiene al collo) chi teni o coddu, mi pari giustu chiamariti, papillon! (Guardandolo attentamente) E poi, ti dicu ca con questo lucu chi hai, fai un figurinu cu stu cosa!

**CICCIU**

Fatti gli affaracci tò! Comunque, unni è me soru ca a salutu!

**TANINO**

Chidda unni po' essiri, a chiesa!

**CICCIU**

Avissi a essiri cuntentu, ca to mughieri va a chiesa! Ci sunnu cristiani, ca a chiesa, mancu sa sognanu!

**ANDREA**

Io io! Mi sognavu a chiesa l'avutru jornu! Mih, com'era granni!

**CICCIU**

Picchi, tu sogni di jornu?

**ANDREA**

Ca certu! Di jornu, c'è cchiù luci! Invece a notti c'è scuru nne sogni, e nun si vidi nenti! !

**CICCIU**

(Accarezzandolo) Ragioni hai, gioia mia!(A Tanino) Tanino, un ci l'avissi pututu accattari 'na lampa di cinque cento o picciriddu, ca a notti, un vidi nenti nne sogni!

**TANINO**

C'è accattari a lampa di cinque cento, p'illuminarici i sogni? Pi mia, po' ristarò o scuru! A iddu cu ciù dici di sognari, invece di dormiri? A notti è fatta per dormire! (Tanino, si dirige al tavolo) E il giorno, per mangiare! Continuate a parlare, ca io haju chiffari! (Si mette a mangiare)

**CICCIU**

(Avvicinandosi) Cosa mangi? È verdura, vero?

**ANDREA**

Si si! È' verdura! L'ha cogliuta in campagna, un saccone!

**TANINO**

(Irritato, insegue Andrea che esce di scena) Chi ti siccassi a lingua, zittuti! Chi ti scoppiassiru i corna, a tia cu tutti i sogni! Lassalu iri, Cicciu, ca chiddu è sognambulo! Chista non è verdura!

**CICCIU**

Comu nun è verdura! È verde, quindi, è verdura!

**TANINO**

Ma chi dici! Allura, tuttu chiddu ca è verde, è verdura? (Non sa che dire) Questa è...questa è...mozzarella filante verde!

**CICCIU**

Mozzarella verde? Veru ca mozzarella, nun nni manciu, ma a mozzarella so ch'è bianca!

**TANINO**

Si, ma la tecnologia va avanti! Puru le vacche, si aggiornano! Questa è mozzarella senza polistirolo, pi chissu è verde!

**CICCIU**

Ma chi vò diri! Puru ca fussi, senza polistirolo, avissi a essiri, pallida! No, filante!

**TANINO**

(Stizzito) Minchiuni! Quantu domandi? Già, mi stai facennu du pallide, grossi quantu 'na casa! Hai mai sintutu parrari di mucca pazza? (Cicciu annuisce) A mucca pazza chi fa, s'incazza diventa verde comu l'incredibile hulk, e fa a mozzarella verde! Mih! Basta ca si papillon, e nun sai sti cosi!

**CICCIU**

(Sedendosi) Mi devi scusare, non sono aggiornato chi mucche pazze! Comunque, po' continuari a manciari!

**TANINO**

Già, mi passò u pitittu! Menu mali ca mi nni haju manciatu picca, e sugnu impazzutu! Si mi nni manciava chiossà, impazzoticavu tuttu!

**CICCIU**

(Aria stanca) Mi cridi, mi sentu stancu, ma tantu stancu, ca stancu puru a diritillu!

**TANINO**

Evita di parrari e mi fai un grossu favore!

**CICCIU**

Nun si po' accattari cchiù nenti! Stamattina, accattavu novanta euro di medicinali. Mi è bastatu, fari 'na pompata, ca finiu subito!

**TANINO**

Minchiuni! E tu succasti tuttu? Ma chi havii, a febbre di dinosauro?

**CICCIU**

Chi capisti? (Prende la bottiglietta del sacchetto, la quale evidenzia ch'è un erbicida) Chistu è u medicinali, pi arrusciari /**Avvelenare**/ l'erba ca pompa a manu!

**TANINO**

(Spaventato) Chi facisti? Ho capito bene? Hai arrusciato l'erba?

**CICCIU**

A chi c'era, ho fatto tutto il terreno! Mi dispiaciu, ma arrusciavu puru a verdura! Tutta tutta! Me mughieri, quannu voli a verdura, si la v'accatta! Fra 'na para di ura, sunnu tutti cosi sicchi! (Tanino, non è calmo e gira per la stanza) Ma chi hai Tanino? Ti senti mali?

**TANINO**

(Si finge calmo) Ma no! Ma quali mali! Sto benissimo bene! Senti, vulissi vidiri sta bottiglietta, chi sa, avissi a fari puru u me tirrenu!

**CICCIU**

U to tirrenu? E quannu ti l'accattasti, stanotte?

**TANINO**

(Cerca di riprendersi) Io mica ho terreno! Vuliva diri, mi servi sapiri a potenza di stu medicinali, picchi ho preso un travagghiu 'n campagna, e giustu giustu, ci devo arrusciare u tirrenu!

**CICCIU**

Tanino, havi 'na vita ca ti canusciu, mi vò pigghiari pi fissa? 'Un t'haju vistu mai travagghiari, e mi vò fari cridiri ca pighiasti un travagghiu? Ma zittuti!

**TANINO**

(Adirato) Chi è, si gilusu, picchi io sugnu lagnusu, e tu no? Quannu ti servinu lezioni di lagnusia metabolica sperimentale, mu fai sapiri! (Gli strappa la bottiglia, dalle mani) Ora, dammi sta buttigghia! (Legge dalla

bottiglietta) Erbicida extra potente, capace di essiccare persino le pietre! (Tra se) Bedda notizia! (Legge) Agisce nell'arco di tre ore! (Si cerca addosso, ma non trova orologio) Papillon, chi ura è?

**CICCIU**

(Guarda al polso) Sono le dodici e un quarto!

**TANINO**

(Si fa il conto con le dita, sottovoce) L'una e un quarto. I dui e un quarto. I tri e un quarto! (Parla sottovoce, evidenzia la disperazione) Chi sugnu cunsumatu! Ma cu mu fici fari?

**CICCIU**

(Cerca di capire) Chi è Tanino, tutto bene?

**TANINO**

(Idillico) Tutto bene Papillon, già tu dissi che va tutto bene! ma 'un facemu ca sei geloso, ca staju scoppiannu di salute?

**CICCIU**

Ma chi dici! Mi fa piacere, che stai bene! Senti, io mi nni vaju! Dicci a me soru, ca cchiù tardu ritorno! A buttigghia du veleno, ta lassu?

**TANINO**

(Idillico) Ma si, ormai, cchiù scuru di mezzanotti 'un po' fari! Me la tegniu jo! (Si baciano e Tanino col sorriso sulle labbra, lo accompagna alla porta. Appena Ciccio se ne va, Tanino è disperato) Chi cunsumazioni! Beddamaaaatri! Dicu ju, ma cu mu fici fari, iri a rubari a verdura, na dda cosa nutuli di papillon! Ma poi dico, puru iddu, nun mu putiva diri "Tanino, vidi ca staju avvelenannu a verdura, nun ma iri a rubari!" Almenu, u sapiva e mi nni iva a rubari 'nta navutra campagna! (E' irrequieto) Porca miseria, versu i tri è un quartu moru! Dumni mi pozzu ammucciari, almenu a morti nun mi trova e po' essiri ca si nni va?(Piange per un po' di secondi, poi di scatto torna serio) A curpa di sti manu fitusi è! (Si guarda le mani) Siete oggetto di peccato, e vi punisco! (Si da schiaffi

nelle mani, usando, prima una, poi l'altra mano. In coincidenza agli schiaffi, si fa male, dicendo "Ahi!". Entra la moglie)

**TANINA**

(Osservandolo) Tanino! Ma chi fai?

**TANINO**

(Si lancia al collo di Tanina, piangendo come un bambino) Tanina, ti devo dare una edizione straordinaria, fra 'na para di ore ... e cripari!

**TANINA**

Comu? Fra 'na para di uri a cripari? E comu crepi?

**TANINO**

Così, mi chiudo gli occhi, e crepo tutto! (Piange a dirotto)

**TANINA**

Secunnu mia, mi stai pigliando pi fissa! Tantu, nun ti cridu! E poi, anche si fussi, comu dici tu, l'erba tinta 'un mori mai!

**TANINO**

(Gemendo) Chistu è veru ca l'erba tinta comu mia, 'un sicca mai, ma se l'arroschi, /Avveleni/ sicca!

**TANINA**

Cu tia, 'un ci po', mancu u secca tutto universale! Ma poi, dicu ju, picchi chianci? Mi spieghi sta situazione?

**TANINO**

(Sempre gemendo) Quannu niscisti per andare a chiesa, vinni to frati Ciccio papillon! Parranno parranno, mi dissi ca stamattina, havia avvelenato tutta l'erba da campagna, inclusa a verdura! E mi fici vidiri, ca havia puru a bottiglietta du secca tutto! Io a liggivu, e c'era scritto ca stecchisce tutto, dopo tre (Esplode a piangere)

**TANINA**

(Spaventata) Ma chista è 'na cosa grave! E ora? Ora, chi putemu fari?

**TANINO**

Chi nni sacciu! Io, mi fici un calcolo, a verdura ma manciavu verso i dudici e un quarto, versu i tri e un quarto,...moru! (Esplode a piangere)

**TANINA**

U vidi? Accussì ti levu u vizio di iri a rubari i cosi di cristiani! U sai, comu dici u proverbio: 'Na cosa dumannata, e menza pagata!' (Tanino si siede e, si lamenta. Tanina è disperata. Entra Andrea, tutto elettrizzato)

**ANDREA**

Papà, ti devo contare un sogno! (Tanino continua a lamentarsi, non gli da retta) Mi sono sognato ca murivi! (Tanino balza dalla sedia e piange)

**TANINO**

(Piangendo) Un po' di rispetto! Ma chi è, già mi vò tirari i peri?

**ANDREA**

Mamma, ma chi schifiu havi u papà? Sta divintannu stupitu?

**TANINA**

Svegliati Andrea! Secunnu tia, to patri fa così, picchi sta divintannu stupidu? Già è stupidu di natura! Però, ora si sta impegnannu a fallu di più, picchi...(Pietosa) sta morendo!

**ANDREA**

(Felice) Veru? Vai papà! Spicciati a morire, accussì poi ti sogno!

**TANINO**

(Si innervosisce e lo insegue. Andrea va a nascondersi dietro a Tanina) Sdisanurato! Veni cca! Si cuntentu ca moru, accussì mi sogni? T'ammazzu!

**TANINA**

(Difendendo Andrea) Invece di pinsari ad ammazzari o picciriddu, pensa pi tia, ca a morire! (Dalla rabbia che ha in viso, esplode in un pianto)

infantile, e va a sedersi. Tanina è stufa) Apposto semu, ti pari ca ora a finisci di chianciri! Finiscila Tanino! (Tanino aumenta il volume del pianto lamentoso) Ti dissi basta! (Tanino non ne vuole sentire di smettere. Tanina parla ad Andrea) A navutra anticchia a chistu l'ammazzu ju! Va vidi chi ura sunnu! (Andrea esce di corsa e rientra)

**ANDREA**

L'una e cinque!

**TANINA**

(Innervosita) Senti chi fai, metti a lancetta du orologio, dui uri avanti, accussi ssu cadavere mori e si leva di menzu i peri! (Andrea esce)

**TANINO**

(Gemendo) Amore, picchè dici sti cosi? Chi è, 'un mi po' vidiri cchiù?

**TANINA**

U fattu 'un è, ca 'un ti pozzu vidiri cchiù! U fattu è, ca 'un ti pozzu sentiri cchiù! Quindi, spicciati a moriri e nni lassi in paci!

**TANINO**

(Sempre con voce pietosa) Ma ancora i tri e un quartu nun ci sunnu!

**ANDREA**

(Entra con un orologio da cucina) Mamma! Sunnu i tri e cinque!

**TANINO**

(balza dalla sedia) Già i tri e cinue sunnu? (Gira per la stanza lamentandosi) Comu fazzu! Fra deci minuti e moriri, e mancu mi haju preparatu a valigia! (Tanina e Andrea lo guardano immobili) Vu preparastivu u fazzolettino bianco pi salutarimi quannu partu pi l'avutru munnu?

**ANDREA**

Papà, mi dispiace! Io havia l'ultimo e mi sono sciosciato il naso!

**TANINA**

(Tanino si lamenta, girando per la stanza) Senti a mia, prima di partiri pi l'avutru munnu, tu facisti u bigliettu? Un facemu ca ci dici o controllore, "Poi passa me muggghieri, e ciù paga!" Picchè, io 'un pagu nenti a nuddu!

**TANINO**

(Sempre più esasperato) Veru! Ancora mancu u bigliettu, m'haju fattu! E ora, comu fazzu? 'nta deci minuti, mica cià fazzu a iri a fari u bigliettu! Scummissa, ca ma fannu fari a peri, finu in cielo! (Piange a dirotto)

**TANINA**

Ora basta, chianciulinu! L'una e cinque sunnu! È stato uno scherzo!

**TANINO**

(Adirato) Mi pigghiati pi fissa? (Li insegue per la casa) Livativi davanti i me occhi, sinnò ma pigghiu cu tutti dui! (Tanina e Andrea escono) Viditi chi scherzu mi fannu, tutti dui Stanlio e Oglìo! Ci mancava poco e, muriva di scantu! (Esce e rientra con un filo lungo del telefono fisso) Vistu ca e moriri, e fari tutti cosi io! (Digita il numero) Salutami commari Pippa! U cumpari, i picciriddi, stanno bene?- Bonu bonu! -Scusati cummari, vi vuliva diri, di pomeriggio aviti chiffari?- Siccomu, versu i tri e un quartu e moriri, ci tegniu ca viniti!-Esatto, versu i tri e un quartu! 'Un viniti cchiù tardu, picchè è sicuru ca 'un mi trovati!- Ma quali dolci! Si propriu vuliti purtari cocchi cosa, purtatimi un vassoio di fiori misti! Va bene, a cchiù tardu! (Fine telefonata) E chista, è a prima! (digita numero) Salutamu ziu Giovanni! Comu va a vecchiaia? – Comu si dici?" Si vò campari, vecchiu a divintari! "Ziu Giovanni, vidi ca dopo mangiare si invitatu a me casa!- -ma quali festa! Versu i tri e un quartu, avissi a moriri, chi fa, veni? – No! – (Adirato)Prifirisci, iri no dutturi picchè hai u ficatu, e no veniri a vidiri a mia, ca staju murennu? Ti faciva'na degna persona! (Gli chiude il telefono in faccia, gira per la stanza innervosito. Ritorna a prendere la cornetta del telefono) 'Un stai vinennu a vidiri a mia ca staju murennu, appena mori tu, 'un ti vegniu a vju, mancu si ti spuntanu i corna!(Chiude telefono. Gira per la stanza. È nervoso) Chi cunfusioni!(Allude alla famiglia) iddi, mica mi aiutanu. Pi iddi, pozzu moriri! A proposito di moriri, mancu sacciu comu me vestiri, cosa e diri prima di moriri! Bho!

Di unni ci accumulinciu? Ci vulissi corcunu ca si nni intendi di morti, ca mi dassi consigli! Tantu pi accumulinciari, mi carmu. (Si siede) Allora, prima di tuttu quannu unu mori ci vonnu i fiori, i robbi, i luci, u lettu...(Si vanno spegnendo le luci)

## *Fine primo atto*

## *Secondo atto*

(Identica scena di prima. Tanino gira e rigira, molto lentamente la stanza, parlando solo)

### **TANINO**

Porca miseria! Ancora, nun mi pozzu capacitari, ca staju murennu! Tuttu chistu, pi curpa da verdura! (Si tocca lo stomaco, lamentandosi) Ahi, ahi! Si fa sentiri! Si parra du diavulu, e spuntanu...(Dolori alla pancia) Ahi, ahi! (Si siede e si lamenta) Mi fa mali a panza! Mi fa mali a panza! (Intorno a lui, vede che iniziano a girargli degli spiritelli che cantano)

### **SPIRITELLI**

(Motivo del giro giro tondo) Giro giro tondo, Tanino sta morendo. Manca poco, con noi lui verrà, dritto dritto, all'inferno se ne andrà! Glielo porteremo, e li lo lasceremo. Lui si brucierà, e mai più indietro tornerà! La la la ...

### **TANINO**

(Si alza e adirato rincorre gli spiritelli che fuggono) Viditi ca ancora, i tri e un quartu, nun ci sunnu! Itivinni a fari 'nto culu! (Si risiede) Viditi quantu sunnu vastasi, sti picciriddi! (Pensa) Aspetta, i picciriddi, mica si vestinu di bianco? U capivu! Sugnu ju ca misì ad aviri gli allucinogeni 'nta l'occhi! (prende la sedia, si mette in disparte nella stanza) Ora, mi fazzu una durmutedda, accusì moru beddu friscu!

### **TANINA F. S.**

(Urla) Andrea! Andrea!

### **ANDREA F. S.**

Chi è mamma!

### **TANINA F. S.**

Veni ad aiutarmi a purtari sti sacchetti dintra!

### **ANDREA F. S.**

Nun pozzu veniri, sto sognando!

### **TANINA F. S.**

Metti pausa, e mi veni ad aiutari, poi u ripighi u sognu! (Entra con dei sacchetti, aiutata da Andrea. È stanca, posa i sacchetti a terra e, si siede) Chi sugnu stanca! (Ad Andrea) Grazie Andreuccio! Poi continuari u sogno.

### **ANDREA**

(Incuriosito da quei sacchetti pieni) Cosa hai comprato?

### **TANINA**

Accattavu cinquanta lumini, quaranta santine, trenta pacchi di fazzolettini!

**ANDREA**

E picchè?

**TANINA**

To patri sta murennu, e nun va fazzu a spisa?

**ANDREA**

Chi si ni fa u papà da spisa? Hava a fari 'na festa o cimiteru?

**TANINA**

(Tanino ascolta, quando la moglie dice lumini, unisce le mani, quando dice santini, per tante volte fa la croce) Accattavu cinquanta lumini, picchè dici ca quannu mori, 'un voli ristari o scuru. Quaranta santine, picchè dici ca pi menzu di santi si va in paradiso. E i fazzolettini, servinu a nuatri pi chianciri! (Tanino, indisturbato, esce di scena con la sedia)

**ANDREA**

Beatu u papà, ora mori e si va a ripusari!

**TANINA**

Ma quali morir...(Si tappa la bocca, e parla ad Andrea a bassa voce) tu ancora si nicu, ma a sapiri: "A fissazioni è peggio da malatia!"

**ANDREA**

Ma che significa?

**TANINA**

U sacciu ju chi significa! Presto, puru tu scoprirai u significatu! (Bussano) Avanti! (Entra una signora con un vassoio di fiori) Commari Pippa!

**CUMMARI PIPPA**

(Si guarda in giro) Dicu, sugnu in tempu, veru? (Guarda l'orologio al polso) Meno male, ancora i dui sunnu!

**TANINA**

Cummari scusatimi, chi dicitì?

**CUMMARI PIPPA**

U cumpari, m'invitò alla sua morte, siccome io ci tegnu alla parintela, vogghiu essiri presenti. (Tanina si innervosisce, ma si trattiene) Scusati cummari Tanina, me marito veni doppu a salutari o cumpari. Anzi, tiniti stu vassoio di fiori!

**ANDREA**

(Annusa i fiori) Mih chi puzza! Sti fiori comu sunnu, scaduti?

**TANINA**

(Li strappa dalle mani del figlio e li posa sul tavolo) Vatinni da dintra a sognari!

**ANDREA**

U sai chi fazzu? Mi vaju a fari un giro o corso.

**TANINA**

Stai attento a nun girari troppo, ca poi ti po' girari a testa! (Andrea esce) Scusati cummari, nun è pi vui, ma pi dda cosa bona du cumpari, dicu, nun nni putiva fari a meno di dirivillu ca sta murennu! (Tanino Dietro di loro si tocca. Tanina con ironia) Chi è, dicennuvillu, mori megghiu?

**CUMMARI PIPPA**

Po' essiri, ca crepa cchiù tranquillu! Ma dicitimi 'na cosa cummari, nun l'aviti a piaceri ca jo vinni?

**TANINA**

Chi c'entra cummari! Assittamuni! (Si siedono) Io, pinsava di farici fari 'na morti, pi chiddi stritti stritti, in poche parole, 'na cosa in famiglia! No, di fari una cosa pubblica!

**CUMMARI PIPPA**

Cummari, ‘un vi capisciu chiddu chi vuliti diri!

**TANINA**

Dicu, ca ‘un vuliva farlu sapiri a nuddu ca me maritu, sta murennu!

**CUMMARI PIPPA**

(Sorrisino ironico) Cummari, ma ‘un mi faciti ridiri! Mi pariti un pò, su di giri con lo strombolone!

**TANINA**

Cara cummari, ‘un putiti capiri u mutivu di stu me gestu! Mi tocca fingiri, pi fari rinesciri sta situazioni! (Bussano) Avanti! (Entra il becchino tutto vestito di nero e un cappello alto in testa. In mano ha un catalogo. Cummari Pippa al vederlo si spaventa, e si stringe a Tanina. Fa le corna)

**BECCHINO**

Buongiorno Signore! È’ questa la casa di Tanino Pampinedda?

**TANINA**

(Spaventata) Si, è questa! Tanino è mio marito? Ma lei chi voli di iddu?

**BECCHINO**

È al contrario signora, è suo marito che vuole qualcosa da me! E sono qui, per dargliela!

**CUMMARI PIPPA**

(Scandalizzata, sottovoce a Tanina) Cummari, nun facemu ca vostru maritu prima di morire, passò all’altra sponda?

**TANINA**

Chi diciti cummari! Chiddu nun si fida a nuotari! Chiddu è capaci di affunnari, puru ‘nto bidè!

**CUMMARI PIPPA**

Nun mi capistivu! Ju diceva, chi sa ci vinni lu desideriu di...lu strumentu?

**TANINA**

(Sottovoce e stupita) Chistu significa ca me maritu,... è frocio!

**BECCHINO**

Scusi signora! Chiami suo marito, ho altri clienti che mi aspettano!

**TANINA**

(Urla, chiama il marito) Tanino! Tanino! Veni cca, c’è unu ca ti deve dare, una cosa bella grossa!

**TANINO**

(Entra, si regge in piedi per forza) Buongiorno a tutti! (Guarda il becchino) Chistu cu è, a morti in vacanza?

**BECCHINO**

Piacere sono Mario la Cascia! Il becchino!

**TANINO**

Ma dico io, voi becchi vi vistiti sempri di nero? Avutri culuri nun ni aviti?

**BECCHINO**

Sarebbe ridicolo che un becchino si vestisse di altri colori, non sarebbe corretto nei confronti dei congiunti del defunto. E poi, il lutto si porta di nero, no?

**TANINO**

Si, ma io soffro di luttofobia! (Invita il Becchino a sedersi) Comunque, signor tabuto, assittamuni!

**BECCHINO**

(Cattedratico) La Cascia!

**TANINO**

E va beh la cascia o tabuto, sempre li siamo!

**TANINA**

Signori scusatemi, facete con comodo, noi ci congediamo! (prende i sacchetti ed escono)

**TANINO**

Allora, signor becco, il tabuto mi purtò?

**BECCHINO**

Non mi chiami più becco, ma becchino! Ho portato il catalogo di bare. (Esibendo il catalogo) Lei, che genere di bara vorrebbe?

**TANINO**

Ca quali vorrebbe?... A cchiù comoda!

**BECCHINO**

Le nostre bare, sono tutte comode! Ha una bara modello?

**TANINO**

Si! A me, mi nni piacissi una bedda comoda cu l'aria condizionata! L'avete?

**BECCHINO**

Certo che l'abbiamo! Se mi permette le faccio vedere anche, altri modelli! (Dal catalogo) Guardi questa! Modello mille bolle blu, è la bara con l'idromassaggio! Le piace?

**TANINO**

A cascia con l'idromassaggio? Bona è! Così, quando staju dda 'mpalato e mi venni di grattarmi i spaddi, nun haju problemi! Aziono ...

**BECCHINO**

...L'idromassaggio, e le gratteranno la schiena tante di quelle bolle d'acqua, che le sembrerà di star un bagno turco!

**TANINO**

(Balza in aria) Chi cosa, u turco? No no no! Signor beccamorto, ma chi schifiu di cascia mi consiglia, chiddu cu turcu? Ma lei su immagina, io da

dintra, beddu stinnicchiatu chi mi fazzu l'idromassaggio, arriva u turcu e, ...zam! No no no no! 'un a vogghiu cchiù!

**BECCHINO**

Il bagno turco, è una sauna!

**TANINO**

Giustu giustu jo, la devo provare? Cià facissi pruvari a navutru! Passiamo avanti, chista nun mi piaci cchiù!

**BECCHINO**

Guardi quest'altro; Modello valle verde! All'interno vi si trova, un tenero letto di prato verde, dove lei adagerà il suo corpo. In omaggio, le regaleremo i fiori, per profumare l'aria. Allora?

**TANINO**

No no! Pi mentri campu, di erba 'un nne sentiri cchiù parrari! (Piangendo) Pi curpa di erba mi trovu a moriri! Finu a chi campu, verdura, basta! Passamo ad altro!

**BECCHINO**

Visto, che passerà tanto tempo in bara, le consiglio, per non annoiarsi, l'ultimo modello di bare col digitale celeste, con tre canali tombali. Canale di medicina; "I.A.R. Morte in prima linea" Canale d'amore; "L'amore è cieco e, a morti è orba!" Canale d'azione; " Nuovo cinema paradiso". Facciamo il contratto?

**TANINO**

Ma quale contratto e contratto! La ringrazio per le offerte, mi pigghiu chidda cu l'aria condizionata! E 'un nni parramu cchiù!

**BECCHINO**

(Appunta sul catalogo) Va bene, per il modello fresh e clin! Questo modello, avendo l'aria condizionata, costa la bellezza di 3.500 Euro!

**TANINO**

(Alterato) Chi cosa? 3500 euro, pi una cascia cu l'aria condizionata? Signor beccamorto, facennu sti prezzi, i cristiani si levanu i vizii di morire, eh!

**BECCHINO**

Però, lei non sa che, essendo un nuovo cliente, la nostra ditta le fa l'omaggio di regalarle il funerale, è contento?

**TANINO**

(Tranquillo) Visto ca è così, vale la pena morire!

**BECCHINO**

(Segna sul catalogo) Me la segno sul catalogo! Vado in magazzino e gliela faccio portare! (Bussano)

**TANINO**

Signor beccamorto, vidi pi tri e un quarto e morire! 'Un facemu ca viniti cchiù tardu, picchè va fazzu purtari indietro u tabuto! (Bussano) Tanina, 'un ci senti ca tuppulianu?

**TANINA F. S.**

Vacci tu, 'un pozzu veniri io!

**TANINO**

(Nervoso) Comu ci vaju io ca staju facennu il trattamento tabutario! Eh!

**TANINA**

(Esce adirata, seguita da commare Pippa. Si ferma in mezzo la stanza) Avanti! (Poi a Tanino) Pezzu di strunzu, chi ci vuliva a diri, avanti?!

**PADRE GIGI**

(Entra il prete) Pace e bene fratelli e sorelle!

**TANINO**

Porca miseria, u parrino! (Con fretta, e sotto gli occhi stupefatti dei presenti, sistema due sedie al centro della scena, prende dalla tasca un

fazzoletto, lo lega tra il mento e la testa, si siede poggiando il sedere in una sedia, i piedi nell'altra) Parrino, sugnu prontu pi morire! (Il becchino, esce scuotendo la testa)

**PADRE GIGI**

(Meravigliato) Tanino, che stai facendo? Ti sei bevuto il cervello?

**TANINO**

Parrino, liquori forti nun ni bivu, sono astemico!

**PADRE GIGI**

Perché ti sei messo così?

**TANINO**

Mi scusassi parrino, ca si mi mettu 'n terra a morire, mi vennu i duluri 'nte spaddi!

**PADRE GIGI**

Mi hai invitato a casa tua per dare l'estrema unzione al morto, e il morto sei tu?

**TANINO**

Si, picchè nun sugnu beddu pi fari u mortu? (Quasi piangendo) La prego, prima ch'è troppo tardi, mi facissi l'estrema giunzione.

**PADRE GIGI**

L'estrema che?

**TANINO**

Giunzione! (Piangendo) La prego parrino, mi facissi la congiunzione tra qua e nell'aldilà!

**TANINA**

Parrinu, ci dassi un cavuciu un culu a stu cadavere, e mu livassi di cca!

**PADRE GIGI**

Signora, lei è peggio di so maritu! Allora Tanino, vuoi che ti faccia la benedizione? (Tanino annuisce) Unisci le mani! (Tanino unisce le mani. Il prete inizia la benedizione) Signore, accogli questo tuo figliuolo nel tuo regno (Tanino piange e per soffiarsi il naso, si toglie il fazzoletto che tiene intorno al viso, soffia il naso e lo rimette) liberalo da ogni peccato e conducilo alla vita eterna. Amen! (Alzandosi) Bene! il mio lavoro l'ho finito, ora io andrei.

**TANINO**

Mi scusassi parrino, ma sta medicazione che lei mi ha fatto...

**PADRE GIGI**

(Interrompendolo) Benedizione! No, medicazione!

**TANINO**

Giusto beverazione! Allora, la garanzia di sta beverazione c'è?

**PADRE GIGI**

(Adirato) Dove siamo al mercatino? Se questa benedizione, o beverazione come dici tu, dovesse scadere, invece di andare in paradiso, te ne vai, o manicomio! Signori è stato un piacere, alla prossima morte! (Esce di scatto. Commare Pippa e la moglie, vi si siedono accanto a Tanino)

**TANINA**

(al marito) U vidisti? Sei sempre u solitu! Facisti arrabbiari o parrinu! Pi curpa tua, ora a missa la fa, tuttu arrabbiatu!

**CUMMARI PIPPA**

Lassati stari, cummari! Nun ci diciti sti cosi o cumpari, sinnò ci resta male! è vero cumpari?

**TANINO**

Ragioni aviti cummari! Menu mali ca ci siti vuatri a capirmi, sta specie di muglieri mia, nun mi capisci!

**TANINA**

Io nun ti capisciu? Si tu, ca ti esprimi comu un libro chiuso senza pagini, e puru hai u curaggiu di parrari! Ogni tantu, canciala a scheda du ciriveddu, ca ci l'hai carbonizzata!

**TANINO**

Ma zittuti, pecora marcia senza minni! Vidi ca io, u ciriveddu ci l'haju troppo ok!

**TANINA**

Pecora marcia senza minni a mia? Tu, cu stu fazzulettu in testa, pari un baccalaru chi capiddi!

**TANINO**

(Adirato) Ringrazia u Signuruzzu ca staju murennu, si nnò mancu pi bastonati putissi fari!

**TANINA**

Pi mia po' moriri puru ora, anzi, hai già perso troppo tempo! (Esce, poi rientra la testa dalla porta) ti dicu puru, ca ti nni po' iri a fari 'nto culu!

**TANINO**

Cummari! Vi ni renditi conto chi vipera chi haju dintra? Me mughieri è peggio di 'na suocera!

**CUMMARI PIPPA**

Cumpari, per ora vostra mughieri sta attraversannu un bruttu mumentu. Viditi ca è bruttu sapiri ca u maritu sta murennu!

**TANINO**

Cummari, mi pigghiati pi fissa? Poco fa, lu sintistivu puru vuatri ca mi dissi, nun vidi l'ura ca io moru! (Alzando la voce per farglielo sentire a Tanina) Però, havi di sapiri la signora, ca appena io moru, la notti la vaju a truvare e mi la tiru pi li pedi!

**TANINA F. S.**

E io, ti dugniu un colpu di padella in testa!

**TANINO**

Cretina! Si sugnu fantasma comu fai? Nun mi po' pigghiari!

**TANINA F. S.**

Mi mettu puru ju u linzolu di fantasma, e ti ammazzu!

**TANINO**

(A commare Pippa) è un caso grave! Mischina nun lu fa apposta ad essiri cretina, è un difetto di fabbrica!

**TANINA**

(adirata affaccia la testa dalla porta) Mi dicisti a mia cretina? (Tanino annisce) (Tanina esplose a piangere come una bambina) Nun sugnu cretina, io sogno troppo intelligente!

**COMMARI PIPPA**

(Si alza, va a sostenere a Tanina) Nun chianciti cummari! Sunnu lacrimi sprecati per questo individuo! (A Tanino con stizza) Vi sintiti scaltru a diri a vostra mughieri, cretina!

**TANINO**

Anzi, avissi ad essiri contenta ca ci fici un complimentu, e sparti chianci!

**TANINA**

(Sempre piangendo) Chistu complimentu mi lu chiami? Nun sugnu cretina!

**CUMMARI PIPPA**

Cummari, nun chianciti cchiù! Nun vali la pena chianciri pi un cretinu chi vi dissì cretina! (Continua a piangere Tanina) Però ora, nun aviti a chianciri cchiù comu 'na cretina! (Tanina si ferma a guardare la comare, additandole il dito e farle capire che anche lei ha detto quella parola, e riesplode a piangere) Li paroli, nun ni fannu pirtusa! Amunì da dintra! (Escono)

**TANINO**

I fimmini chi sunnu strani! Mancu u sannu iddi chiddu chi vonnu! Si unu nun è sinceru, ed è tintu picchi nun è sinceru. Si unu dici a verità, è tintu picchi dici a verità! Dicu ju, comu si devono accontentari sti fimmini? Bho! No, nun ci cridu ca Dio quannu fici u munnu, pigghiò sulu 'na costola di l'omu e fici a fimmina. Di quant'havi ca staju cu idda, mica mi manca sulu a costola, puru u ficatu si carbonizzò! E prima ca mi fa partiri di ciriveddu, la mando a fari 'nto culu ju! Mi putiva stari sulu sulu! Comu si dici: Chi gioca sulu, nun perdi mai! (Ha mal di pancia) Ahi ahi! A verdura si fa sentiru! No, chista è a morti chi sta arrivannu! Ahi ahi! (Da fuori si sente la voce di un vecchio venditore ambulante)

**VENDITORE AMBULANTE F. S.**

Haju ova frischi! Haju cipuddi! Haju patati! Cu mancia patati nun mori mai!

**TANINO**

(Si tocca la pancia e viene illuminato) Veru? Cu mancia patati, nun mori mai! (Urla) Signor patataro! Vinissi cca! (Bussano e va ad aprire)

**VENDITORE AMBULANTE**

(Entra un vecchio, con un cesto in spalla. Ha occhiali grandi ed è mezzo cieco, ed anche sordo) buongiorno signora! (Da la mano a vuoto, Tanino capisce e gli afferra la mano)

**TANINO**

Sono un Signore!

**VENDITORE AMBULANTE**

Buttana da miseria! Picchistu mi sentu stancu! Caminannu caminannu, in paradisu arrivavu!

**TANINO**

Ma quali paradiso! U chiamavu io, picchi mi sirvissiru un poco di patati! A quantu li vinni all'etto?

**VENDITORE AMBULANTE**

Chi, u tetту? Nun ni vinnu tetту! Ma si voli, ci lu pozzu iri a pigghiari!

**TANINO**

Se, u capivu! A quantu sunnu o chilu sti patati?

**VENDITORE AMBULANTE**

Voli un chilu di cacati! Mi dispiaci, ora subitu subitu, nun ci li pozzu fari ad aviri. Mi dessi u tempu di manciari, e poi a voglia di cacati!

**TANINO**

(Adirato) Sintissi a mia, nun haju tempu da perdiri! Vossia e surdu!

**VENDITORE AMBULANTE**

Turdu to patri c'è! A mia sti paroli? Pezzu di gioventù bruciata!

**TANINO**

(Gli urla nelle orecchie) io dissi surdu! Su- r- du! Voce del verbo ca nun ci senti!

**VENDITORE AMBULANTE**

Ci fannu mali i denti? Picchì nun mi l'avissi dittu prima! Si assettassi ca io sugnu puru dentologico! (fa sedere a Tanino nella sedia, torna nella cesta e prende un tenaglione da idraulico)

**TANINO**

(Si tocca la pancia) Ahi ahi! Staju murennu! Nun mi la fidu cchiù! Ahi ahi!

**VENDITORE AMBULANTE**

(Torna da Tanino col tenaglione. Tanino si alza di scatto e va a sedersi in un'altra sedia, sempre lamentandosi per il mal di pancia) Si sta murennu, io l'haju 'na bedda medicina! (Il venditore opera Tanino, ma Tanino è dietro di lui che si lamenta) Ora, ti lu scippu ju sti denti! Statti fermu! (Il venditore si destreggia come se facesse fatica. Tanino al vederlo si meraviglia e non si lamenta più) u vidi ca ora stai megghiu?

**TANINO**

(Tra se) ma dico jo, tutti i pazzi a mia capitanu!

**VENDITORE AMBULANTE**

(Girandosi) Già cca si! Hai fatto progressi, dopo l'operazione! Già cammini chi to pedi! Comu ti senti?

**TANINO**

(si risiede dolorante) Comu mi sentu? Staju murennu du duluri di panza! Ho è la verdura, ca dintra u stomaco sta maturannu, o è la morti ca sta arrivannu!

**VENDITORE AMBULANTE**

Io, pi la morte ci l'haju 'na bedda soluzione! (Prende dalla cesta un sacco di patati) chisti sunnu patati miracolosi! Sunnu già bollite, pronti pi manciarli! Cu mancia patati, nun mori mai!

**TANINO**

Finalmente u capiu, ca vogghiu i patati! Amunì, mi dessi tuttu u saccu! (Prende il portafoglio) Tinissi sti cinquanta euri!

**VENDITORE AMBULANTE**

(Si toglie gli occhiali ed è felice di quei soldi) Lei è molto generoso! Un saccu di chistu mu vinnu, cinque euro!

**TANINO**

Mi dessi u restu allura!

**VENDITORE AMBULANTE**

U restu? In minutu ca guardo ca...(Prende la cesta e scappa)

**TANINO**

(Lo rincorre fino a fuori) U restu! Pezzu di truffaldino!(Poi rientra col mal di pancia) Ahi ahi, chi duluri chi duluri! (Si siede) Buttana da miseria, giuru, ca si avissi un cuteddu pi mano per ora, mi tagghiassi sta panza! Si nun dicu a verità, avissi a morire, me soggira! (Guarda nel sacco e prende

una patata) Videmu si è veru ca fannu miracoli. (Inizia a mangiare e ne prova gusto, tanto che inizia a mangiarne una dietro l'altra. Di scatto entra Andrea con un urlo, Tanino dallo spavento sputa le patate) chi ti vinissi una onda elettrocervelletica! Accussì ma fari scantare!

**ANDREA**

(Felice) Papà! Talia che beddu orologio chi mi accattavu!

**TANINO**

(Guardando l'orologio al polso di Andrea) Talè che bello! Ma dove l'hai accattato?

**ANDREA**

L'ho accattato in piazza, nella bancarella di Mustafà!

**TANINO**

Veru? Sugnu contentu, ca Mustafà si grapiu 'na banca! È una bancarella, ma sempre banca è! Dimmi 'na cosa, u locale bello è?

**ANDREA**

Il locale 'un mi è piaciuto! È sotto il balcone du zù Giovanni, quello che sputa du balconi! Poviru Mustafà, si è andato a riparari, dunni chiovi!

**TANINO**

Pigghia e ci metti l'ombrelloni, anti sputamento!

**ANDREA**

Ma chi stavi manciannu?

**TANINO**

Patati!

**ANDREA**

Boni! Mi la pozzu pigghiari una? (Sta per mettere la mano dentro il sacco e Tanino gli da uno schiaffo)

**TANINO**

Levati i manu! Tu stai bene e nun hai di bisogno di manciartilli! I patati si l'hannu a manciari sulu chiddi chi stannu pi moriri! Per esempio, io! Anzi, dimmi chi ura sunnu!

**ANDREA**

Sunnu i tri meno cinque!

**TANINO**

(Frettoloso) Porca vacca! Fra venti minuti e moriri! Aspetta ca manciu patati, almenu videmu si sta morti si po' evitarli! (Prende patati dal sacco e inizia a mangiare)

**ANDREA**

Papà, tu pozzu cuntari un sogno? (Tanino annuisce) Allora, mi ricordo ca mentre dormivo, mi sono svegliato subito subito, sai perché?

**TANINO**

Perché, sonno nun ni havii?

**ANDREA**

No! Perché già, mi havia svegliato nno sogno, e stavo sognando!

**TANINO**

Pi capiri a tia, ci voli un prifussuri di sognologia!

**ANDREA**

Sai, mentri caminavu, pi strata c'erano tanti fimmini. Mischini, comu si vidiva ca eranu povere!

**TANINO**

Comu lu capisti ca eranu povere?

**ANDREA**

Talmente erano povere, ca mncu havianu i picciuli pi accattarisi una gonna un giacca!

**TANINO**

E comu eranu vistute?

**ANDREA**

Nun eranu vistute! Havianu sulu due stelline cca (Indicando nei capezzoli) e navutra ...

**TANINO**

(Interrompendolo) U capivu! Nun c'è bisogno di approfondire con le stelle!

**ANDREA**

Havianu la borsa senza soldi ca la giravano così (Fail movimento rotatorio col braccio, come se stesse girando una borsa) Poi, firmavano li machini, pi chiedere l'elemosina e non tutti ci la davano! Però, c'erano persone generose ca li facivano acchianare in macchina! E dunni si li purtavanu?

**TANINO**

(Imbarazzato) ca...dunni li purtavanu...ca a manciari! Visto ca eranu povere, mi sembra giustu che qualcuno bravo li portava a mangiare cocchi pezzu di carni!

**ANDREA**

Poi, una di iddi mi chiamò e io ci sono andato!

**TANINO**

Vero? Ti fici vidiri cocchi cosa? (Entra Commare Pippa e Tanino fa segnale a Andrea di star in silenzio. indifferente, continua a mangiare Patate)

**COMMARE PIPPA**

Cumpari, chi stati facennu?

**TANINO**

Stai manciannu patati! Chi fa, nun si vidi?

**COMMARE PIPPA**

Dico, ma u vidistivu chi ura sunnu?

**ANDREA**

(guarda dal suo orologio) sono le tre e cinque!

**TANINO**

Ora, ca sacciu chi ura sunnu, che fari cummari?

**COMMARE PIPPA**

Comu, chi aviti a fari? Fra deci minuti aviti a fari stu viaggiu, e ancora nun siti prontu?

**TANINO**

U viaggio? Andrea, mi prenotasti viaggio?

**ANDREA**

Si si! Chiddu pu manicomio! (Tanino gli molla uno schiaffo)

**COMMARE PIPPA**

U viaggio pi l'avutru munnu! Fra deci minuti, aviti a morire e ancora stati accussì tuttu lordu?

**TANINO**

U viditi chi staju facennu? Mancio patati! Accussì, po' essiri ca nun moru!

**COMMARE PIPPA**

Picchi, i patati vi bloccanu a morti?

**TANINO**

Cu mancia patati, nun mori mai! Accussì dici u proverbiu!

**COMMARE PIPPA**

Cumpari, mi pariti un picciriddu ca criditi a sti fissarii! (Esce di corsa e rientra col vestito) Spicciativi, mittitivi u vistutu! A cummari Tanina, si sta finennu di sistimari! (Ad Andrea) e tu, chi ci aspetti? Va sistemati!

**TANINO**

Picchì, me mettiri u vistitu?

**COMMARE PIPPA**

Pi moriri eleganti!

**TANINO**

(Prende e fa volare il vestito) Livati stu cosa di cca! Si è vero ca e moriri, vogghiu moriri così, cu panza e presenza!

**TANINA**

(Entra Tanina vestita di nero, che piange) Tanino sangu miu! Picchì mi lasciasti! (Urla) Tanino!

**COMMARE PIPPA**

Cummari Tanina, nun fati così ca ancora nun ha murutu u cumpari!

**TANINA**

(Parlando calma, come se non avesse pianto) Ancora nun ha murutu? Allora, aspittamu! (Si prende la sedia e si siede attorno al marito meravigliato) Assestativi cca cummari! Chi sa, mi vennu i svinimenti, siti a prima a pigghiarimi! (Commare Pippa si siede accanto a Tanina) ma chi è stu vistiti 'n terra?

**COMMARE PIPPA**

U cumpari, nun si lu vosi mettiri u vistiti! dici ca voli moriri, cu panza e presenza!

**TANINA**

(A Tanino) Picchì nun ti lu vò mettiri u vistitu? Mi devi far svergognari puru in cielo, ca sugnu 'na mugliera ca nun ti fazzu vestiri bonu? (Tanino silenzioso)

**ANDREA**

(Entra col vestito) Comu staju?

**TANINA**

Gioia mia, chi si beddu! Di li biddizzi, pigghiasti tuttu di mia! menu mali ca nun pigghiasti di to patri!(Tanino la guarda come per dire, che non è vero)

**COMMARE PIPPA**

Cummari, vi lu pigghiastivu u fazzolettinu pi quannu avemu a salutari o cumpari, quannu si nni vola in cielo?

**TANINA**

Mu scurdavu! Andrea, vai da dintra e pigghia tri fazzolettini!

**COMMARE PIPPA**

No, io ci l'haju!

**TANINA**

Pigghiani sempri tri. Almenu facemu un poco di cunfissioni.(Andrea esce e rientra consegnando i fazzolettini a Tanina, tenendone uno per se)

**COMMARE PIPPA**

Chi ura sunnu?

**ANDREA**

Tre e dieci! (Tanino si lamenta toccandosi lo stomaco)

**TANINA**

Chi è Tanino? Già cca è! (Tanino continua a lamentarsi)

**COMMARE PIPPA**

Cummari, io dicessi ca visto ca manca picca, accumuliamu a fari i preghierini!

**TANINA**

Giustissimo! Allora, al mio tre accumuliamu tutti e tre! Iddu sta murennu, nun mi pari giustu! Pronti? (Commare Pippa e Andrea,

annuiscono) Uno, due e tre( Tutti e tre si fanno la croce e pregano facendo brusio, sottofondo si sente “l’hai” di Tanino)

**ANDREA**

(Guarda l’orologio) I tri e un quartu sunnu! (Cala silenzio da tomba, più nessuno parla. Si sente bussare alla porta, Tanino inizia a tremare)

**TANINO**

(Spaventato) Si cercanu a mia, dicitrici ca nun ci sugnu! (Bussano)

**TANINA**

(Spaventata) Chi è?

**F. S.**

Sono la morte!

**TANINO**

(Si nasconde sotto il tavolo) Dicitrici ca nun ci sugnu!

**FANTASMA**

(Entra in scena il fantasma col lenzuolo, al vederlo tutti si spaventano) Sono venuto qui, per portarmi con me a Tanino! Ditemi dov’è?

**COMMARE PIPPA**

Mi scusassi, in non sono di questo paese!

**TANINA**

Ma haviavu appuntamentu cu me maritu?

**FANTASMA**

Certo! Devo accompagnarlo in cielo! (Ride)

**TANINA**

Tanino, nesci di sutta u tavulu! Vidi comu è bravu stu cristianu, ti havi a dari un passaggio in cielo!

**FANTASMA**

Ti sei nascosto? Ma lo stesso ti porterò con me?(Ride)

**TANINO**

Signor fantasma, nun sugnu ju Tanino!

**FANTASMA**

Esci subito! (Tanino non esce e il fantasma lo acchiappa per i piedi. Tanino scappa per la stanza, rincorso dal fantasma) fermo! Adesso vieni con me!

**TANINA**

Signor fantasma, io sono una brava mugliera. Iddu è ‘na cosa nutuli, ca nun si misi lu vistitu!

**FANTASMA**

Mettiti subito il vestito! O ti farò andare all’inferno! (Tanino con fretta e furia si mette il vestito) ora, saluta la tua famiglia che partiamo! (Bacia tutti, le donne piangono)

**ANDREA**

Papà, ora ca si mortu ti pozzi sognare?

**TANINO**

Certo, ca mi puoi sognare! (Andrea è felice e gira per la stanza)

**FANTASMA**

Allora, andiamo! (Le due donne piangono e salutano Tanino col fazzoletto. Andrea va dietro il fantasma, gli toglie il lenzuolo e sotto c’è Ciccio papillon!

**TANINO**

(Al vederlo resta immobile) signor fantasma, ma lei lo sa che ha un viso conoscente?

**ANDREA**

Zio cicciu! (lo rincorre e lo prende a schiaffi e calci, le donne cercano di separarli)

### **CICCIU**

Fermi tutti! ti vosi fari uno scherzo Tanino!

### **TANINO**

(Adirato) mi vulisti fari uno scherzu? Però, du scantu stava murennu veru! (Si scaglia su di lui, con calci e schiaffi le donne lo dividono) ti pari ca sugnu un pupo, ca mi fai i scherzi! E poi, propria ora ca staju murennu!

### **CICCIU**

Ma quali moriri! U scherzu, consisti proprio in chistu, ca nun è veru ca tu hai a moriri! (Tanino è meravigliato) u fattu da verdura, è stata tutta 'na cosa organizzata, pi fariti capiri ca nun si rubanu i casi alla genti, picchè si po' ristari fregati!

### **TANINO**

Allura, nun moru cchiù! (Tutti in viso sono felici. Tanino esplode di gioia e bacia e abbraccia tutti) forza, ora avemu a festeggiari! (Commare Pippa esce e rientra con lo champagne, tutti brindano e sono felici) Chi sugnu cuntentu! Oggi è comu si avissi nasciutu navutra vota! È proprio vero, la fissazione è peggio da malattia! Mancu cchiù a panza mi doli! (Si siede. Si sente una zanzara in giro che disturba a tutti)

### **TANINA**

Havi 'na matinata ca sta zanzara mi disturba. Ora ci pensu ju! (Esce e rientra con una padella. Da colpi in aria per prendere la zanzara, ma non riesce. Con lo sguardo tutti seguono la traiettoria della zanzara che va a mettersi sulla testa di Tanino che sta bevendo. Tanina piano piano si avvicina e gli da una padellata in testa a Tanino che si fa male)

### **TANINO**

( Dopo la padellata) te- le- fo- no ca- sa! (E abbassa la testa. Cicciu va a toccargli il polso e la gola)

### **CICCIU**

Vidi ca muriu! Muriu veru!

### **COMMARE PIPPA**

ma chi dicitu? (Controlla il polso) Veru muriu! Cummari, ammazzastivu o cumpari! Nenti dicitu?

### **TANINA**

Tantu, nun havia a moriri u stissu!

## **FINE!**